

重修汝寧府志

汝南縣志編纂委員會校印



上
册

重修汝寧府志

汝南縣志編纂委員會校印

一九八三·

重印《汝宁府志》说明

为了便于查阅历史资料，总结历史经验，编好新志，为“四化”建设服务，我们决定将清嘉庆元年编纂刊印的《汝宁府志》重新整理排印。

汝南，古为豫州，素有“天中”之称。汉设汝南郡，辖三十七县。唐、宋为蔡州。金建行宫。元、明、清均为汝宁府治。历代都是中原地区政治、经济、文化中心之一，又是兵家必争之地。历史名人众多，史料丰富多彩。明、清以来，汝南纂修府、县志达九种之多。我们从中选印的《汝宁府志》，对汝南地区的情况，从建置沿革到风俗民情，都有广泛的记载，保存了大量资料，堪称汝南地方“全史”或“百科全书”。它不仅可为修志提供资料和借鉴，而且可为史志工作者提供珍贵的研究资料。

整理旧志是当前修志工作中三项伟大工程之一，无疑是十分艰巨的。对重印《汝宁府志》的工作，县委、县政府领导同志都很重视。总编室的同志，在具体组织断句抄录、讹讹校对等方面，付出了艰苦的劳动。在整理和付印过程中，汝南师范、汝南一高、县文化馆的有关同志和汝南印刷厂的工人同志给予很大支持，做了不少工作，这里一并致谢。

限于水平，错误在所难免，望读者多提宝贵意见。

河南省汝南县志编纂委员会

一九八三年六月十五日

重修汝宁府志序

文以载道，道者所由适于治之路也。伊古久安长治之时，其道光昌，则其文炳蔚；懿然而韶钧奏，灿然而官礼垂。巍巍焕乎，非独载笔者之擅所长，盖乃遭遇乎斯时矣！我国家圣圣相承，化成久道，百执事奉法承流之，纲之纪。其治为千古之郅隆，苟纪事编年有伦有要，其文自为千秋之鸿宝。汝宁府今制属南汝光道。琛忝窃是职，下车时即披览志乘，用资考镜。窃见府志自康熙乙亥重修以来，已及百年，续辑无闻，典章何述，深以为怅。乾隆癸丑德懋亭太守来典郡，政通人和，书屡丰，歌画一，洵足对扬休命矣！岁再期，乃特开志局，檄下州县，搜罗见闻。延前太史王方川先生总其事，越九月书成。不惟增所未修，且于旧志之是者存之，分者合之，冗者汰之，缪者纠之，从流溯源，裁体归例。而昭代之声明文物，雍容揄扬，瞭焉如视诸掌。从政者手一编而考镜之，咸有以率履而不越；美哉秩秩乎！夫汝宁原于汉之汝南，历代号称名郡，嗣后版图分属靡常，今且析光州为直隶。顾幅帙孔厚，控制关山，襟带淮汝，领一州八县，固荆豫间都会也。官此者如汉之寇恂、荀灌，宋之富弼、欧阳修、吕公著；生此者如汉之袁安、黄宪、陈蕃；宋之谢显道行事尤卓卓史传，使人闻风兴起。昔汝南应劭著《汉艺文》及《风俗通》诸书。其言曰：“国之大事，莫尚载籍，载籍也者，决嫌疑、明是非，赏刑之宜，允获厥中，俾后之人永为监焉。”振古如兹，于今为烈。琛于是编之成也，愜所夙期，以先睹为快，爰不禁拜手颺言，以复于太守是为序。

嘉庆元年岁次丙辰孟秋月下浣

诰授中宪大夫分巡南汝光道，前署河南按察使加二级桂林陈鍾琛撰

重修汝宁府志序

《周礼》：冯相保章掌天纪，司徒职方掌地舆，皆有图籍可考。后世司牧者，将欲勤民事而顺天时，规形势而因地利，必于志乎？！稽之疆宇，攸分图籍，即宜各判也。汝宁房心分野，古星官土圭测景，惟此地为天中。本风雨之和会，以鍾为人文者，胥秉天之中气。且地统洪、汝、淮之水，委输灌溉，分及沃野物土之宜，而布其利，天时与地利皆得乎中，气使然也。旧志修自康熙三十四年，郡隶十四州邑。圣朝生齿日繁，土田日辟。雍正二年升光州为直隶州，析光、固、息、商四邑属之，汝郡统九州邑。是疆域已分而志仍旧。非厘剔重修将无所区别矣。余于癸丑岁恭膺简命，来守是邦。甫下车即披旧志详阅之。见其人物、文章，彪炳往古，此本乎天者，教之所取资也；山川关塞，土田户口，此依于地者，养之所取资

也。居天地之中，而兴养立教，固宜无偏无党。仰体圣天子建中立极之化，俾民尽协于中。志之所载，岂具文哉！旧志汝光並载无分异同，且阅百年以来事迹多所未备。循其名而核其实：繁者删之，遗者续之，弗混淆其疆界，无阙略而不全，是在守斯土者之经营厘正也。余矢此意久之，乙卯春王太史方川先生以词馆鸿才，来为南湖书院院长，因请其载笔重修，余佐以采访州邑，上其事以听裁择。阅数月，观其叙稿分门别类，斟酌损益，一秉史裁。暮秋王太史旋浙，属其门人汝阳令王逊庵俾蒞事焉。时孔令兴舌、李令学泗以孝廉试用来汝，逊庵商同校定，仲冬始告成。夫风俗与化移易，读《汝南先贤传》名流接迹占籍中州。迨唐、宋之末，割据扰攘，颇少闻人。岂天地中气之降才尔殊乎？运会之所遭异也。我国家深仁厚泽，沾被靡涯。皇上久道化成，时雍遍于海内，矧兹土密尔，感化尤深，宜乎士敦礼义，民习淳庞。岂非执中之治与斯民受中之性相因乎？！政清讼简之余，余遂得以优游厘定，稽乎天文，察乎地利，上歌功德，下验民情，书从实录以纪中正焉。欧阳子曰：“宣上恩德以与民同乐，刺史事也。”志成爱书以弁其端。时

嘉庆元年岁次丙辰、仲秋之吉

朝议大夫知汝宁府事长白德昌敬题于汝南官署

汝 宁 府 志

鉴定：

河南分巡南汝光道

陈鍾琛

总修：

汝宁府知府

德 昌

纂修：

翰林院编修

王 增

总校：

汝宁府通判

王 谔

协修：

汝阳县知县

王元梅

试用知县

孔兴栝

试用知县

李学泗

校阅：

浙江监生

马锡璜

江南生员

王 勉

分理：

正阳县知县
候补同知上蔡县知县
新蔡县知县
西平县知县
遂平县知县
确山县知县
信阳市知州
原任罗山县知县
罗山县知县

杨德容
张时霖
莫玺章
刘廷弼
李述武
徐昌吉
诸以谦
锺天栋
曾 济

采访：

汝宁府教授
汝宁府训导
翰林院检讨銜汝阳县教谕
汝阳县训导
试用州同
试用州同

刘春荣
刘炎上
冯大兴
李滋南
潘世辅
宋国璜

监刊：

署汝宁府经历
署汝宁府经历
汝阳县县丞
汝阳县典史

赵光浓
邝兆楷
胡金芝
陆 嵩

汝宁府志目录

凡例

图：总图、府城图、各属城图、河道图、府署图、各邑署图、府学图、各邑学图

卷一

建置沿革（有表）

卷二

城池附疆域、星野、形胜

卷三

山川

卷四

村市 关梁

卷五

水利

卷六

学校(书院社学附)

卷七

公署

卷八

户田(盐课附)

卷九

军制(武功附)

卷十

坛庙

卷十一

古迹

卷十二

冢墓

卷十三

寺观

卷十四

官师(历代守令、知府、同知、通判、佐俸、各县知县、知州、教授、教谕、训导)

卷十五

宦绩

卷十六

选举

卷十七

人物

卷十八

人物

卷十九

人物

卷二十

游寓

仙释

方技

卷二十一

烈女

卷二十二

烈女

卷二十三

艺文

卷二十四

艺文

卷二十五

艺文

卷二十六

艺文

卷二十七

诗

卷二十八

诗

卷二十九

杂志

卷三十

旧序

汝宁府志凡例

一、汝宁列郡，自明以前从未有志，至成化癸卯陈学正銓，正德辛巳强长史晟采录成编。万历戊申李少司空本固、秦徵士镐继之纂辑其书，今皆不存。国朝顺治壬寅金太守镇始重修之。康熙乙亥何郡伯显祖复为增辑。金志之修适当胜国兵燹之后，事绩兴废一时无从考核。何志犹仍金志旧编所载，附以无稽之言。两志缘起，皆遵台使檄令重修，大约薄于时日，草率从

事，未免抄撮成书。

一、志先定例使览者便于分晓。汝郡八县一州，有分县而书之，有编年而书之，有时代相次变例书之，其中体要皆省文就例。

一、旧志门类、纲目、编次太觉无序，今首列以图，次以府州县创建更始之由，曰建置沿革，则另列一表。城池则附以星野、疆域、形胜、山川，按图开列，次以村市、关寨、桥梁、河渠统编水利。书院、社学附学校之后。公署则府州县统属而外，另列宪署、营署、仓廩、驿站附列于后。户口、田赋按现行注载。军制则赘以历代兵事。坛庙先从祀典，次以土俗所祀。古绩、冢墓、寺观诸类太多，因旧志而去其附会者，官师历代守令而下附属州县统载，次以教职宦绩编次于后，便于后之考订。科、贡统归选举，列传统编人物。惟游寓、仙释、方技各从其类。列女悉遵功令增入艺文，另编书目杂志附之。凡分列门类共二十六门，编次卷帙，或合或分计三十卷。卷首另列目焉。

一、旧志各门颇多泛论，殊未合志体，今削去冗杂，纪载一概从实，並不妄下议论。

一、旧志列宣圣十哲于游寓，端木子於名宦、志书之外，莫此为甚，特为变例不敢录入。

一、学校一门，旧志载配享、从祀、姓名、祭品、乐章、仪注此系统行定例，皆非郡邑志所该载，今並去之。书院、社学为校士养贤之所，是以类附。

一、田赋、户口，随时更定，旧志多沿前明旧制，展卷目迷，今按九邑自乾隆三十六年编审、奏销实数，简明分别，覆按赋役全书依例注载。仓贮盐课类並及之。

一、封爵、分藩当纪国史，监司、守道统辖省会之官，皆非府州县所，关系州县丞倅各邑另有志在，阙而不书无碍体裁。

一、志不为生人立传，惟贞节除已奉旌外，不问存歿，合例者概为录之。

一、艺文当采历代邑人所著书目，非附载诗文。矧旧志所录诗文，于邑里毫无干涉者亦复不少，今概删之。采辑汝郡土著人文撰述目录编艺文一卷。杂志去其荒诞之语附卷未焉。

会稽王增识

右次第悉遵方川先生原稿梅与孔公兴栢、李公学泗细心校阅，惟于传写错讹，及彼此同异互证详确，或遗缺者补定，此外未敢更易，艺文，遵府宪命，增辑删旧之二三于散见各门者，亦皆汇入，成三十卷而体例则仍旧云。

贵池王元梅识

汝宁府志卷一

建置

汝宁府《禹贡》豫州之域。古为沈、蔡、柏、房、道、息、江、黄、弦、蒋、蓼诸国地。战国在楚、魏二境之交。秦属颍川郡，汉置汝南郡，隶豫州。领县三十七：平舆、阳城、隐强、富波、汝阳、颍阳、吴房、安城、南顿、朗陵、细阳、宜春、汝阴、新蔡、新息、濯阳、期思、慎阳、慎、召陵、弋阳、西平、上蔡、寝、西华、长平、宜禄、项、新鄆、归德、新阳、安昌、安阳、博阳、成阳、定陵、阳安。光武平诸乱，並省九县：寝、阳城、宜春、归德、长平、安昌、博阳、成阳、定陵。复置九县：北宜春、征羌、思善、褒信、原鹿、定颍、固始、山桑、城父。建武中割西华等县属淮阳郡。魏文帝分立弋阳郡。晋武帝又分立汝阴郡，而汝南郡如故。领县十五：新息、安阳、安城、慎阳、宜春、朗陵、阳安、上蔡、平舆、定颍、颍阳、南顿、汝阳、吴房、西平。刘宋仍为汝南郡。元嘉中因洛阳司州陷于魏，侨立司州于此，号为悬瓠城。后魏改为豫州。东魏因之，置行台焉。后周置总管府，改曰舒州，寻复曰豫州。其后以洛州为豫州，以此为濠州，寻改为蔡州，汝南郡如故。隋初废汝南郡，大业初废蔡州仍为汝南郡。唐初置豫州，天宝初改为汝南郡。宝应初以避讳改蔡州，隶河南道。大历中为李希烈所据。贞元二年希烈死，元和八年吴元济复据州，十二年诛元济。广明元年秦宗权据州，僭号龙纪元年，朱全忠讨平之。五代时后汉改为防御州。宋初为蔡州，寻改为淮康军。建炎三年金陷蔡州。绍兴间岳飞两复其城，寻陷。开禧二年王大节复之，不克而溃，自是地没于金。金哀宗立为行宫。元初为蔡州，后始为汝宁府，隶河南行中书省，以息、颍、信阳、光四州属焉，共领四州十五县。明洪武四年仍为汝宁府，裁减信阳、光、息三州，固始、光山、罗山、沈邱四县，割颍州太和县属凤阳府，省真阳入汝阳。七年仍置信阳州，罗山县属河南布政使司，复增光州、固始、光山、息县。十年改信阳为县。十五年分置汝南道。成化十一年复改信阳县为州，析固始县地置商城县。弘治十八年析汝阳县地置真阳县属汝宁府。国朝因之。雍正二年升光州为直隶州，以光山、固始、息县、商城四县隶光州。

凡领州一县八：

汝阳县 上蔡县 确山县 正阳县 新蔡县 西平县 遂平县 信阳州
罗山县

汝阳县附府城，《禹贡》豫州之域。周文王第一子始食采于沈为沈国地。春秋为蔡所並。战国属楚，秦属颍川郡，汉始置汝阳县属汝南郡，东汉因之。魏属豫州，晋改为汝南郡，刘宋、元、魏因之。东魏置汝南县，后周改曰舒州，又曰濠州。隋大业三年复置汝南郡以县属焉。唐贞元七年割汝阳、朗山、上蔡、吴房置汝南县。元和十三年省汝南县入汝南郡，

五代因之。宋为准康军治。金为镇南军治。元为汝宁府治，省平輿、遂平入焉。明初仍为汝宁府治，省确山、真阳入汝阳县后复析置。国朝因之。凡编户三十三里：（里数仍旧）

在坊	在城	溱口	西逢	河庄	桃台	射桥	棧冈	南埠	留照
来安	新增	招恤	抚绥	安和	兴成	乐业	怀德	循礼	平居
时丰	沾化	感应	春和	秋成	官庄	郑庄	方良	万金	申寨
马常	函头	平輿							

八屯庄（顺治十六年裁汝宁，所以各屯庄归並本县）

三里屯庄	烟亭庄	水屯寨庄	十二屯庄	长湖屯庄	上蔡庄	汝南庄
马厂鸡鹅房庄						

上蔡县在府城北七十里。《禹贡》豫州之域。周武王初封母弟叔度于蔡为蔡国地，度挾武庚以叛成王放之，以其子胡复封之蔡。春秋蔡平侯迁新蔡故名上蔡，寻为楚所並。战国属楚，秦属颍川郡，汉置上蔡县属汝南郡，魏晋因之。元魏改临汝县仍属汝南郡。北齐废，隋初置武津县，大业三年复改上蔡县属汝南郡。唐贞观间废，寻复置。元和十二年省入遂平属唐州。长庆元年复置上蔡县属蔡州。宋属淮康军，金属镇南军，元属汝宁府，明因之，国朝因之。凡编户三十六里（称保，保数仍旧）

在城	黄力	崇仁	新兴	孚召	朱贤	留田	原王	留庄	百尺
固村	十八	岳寺	桃台	朱里	张乡	在坊	孝感	著台	由义
居仁	履义	尚礼	安乡	节义	蔡沟	和顺	宣化	新益	新安
安仁	安义	安礼	安智	安信	陈寨				

确山县在府城西南九十里。《禹贡》豫州之域。古道国地。战国属楚，秦属颍川郡。汉置朗陵、安昌二县属汝南郡。东汉省安昌入朗陵，魏因之。晋改朗陵为安昌县属义阳郡。刘宋复改朗陵属汝南郡。东魏省朗陵入安昌县属初安郡。隋开皇十八年改安昌为朗山县，仍属初安郡。唐属蔡州。宋始改为确山县，属蔡州淮康军。金属蔡州镇南军。元属汝宁府。明初省入汝阳县，洪武十四年复置，成化中属信阳州，后竟隶汝宁府。国朝因之。凡编户二十里（称保，今並六保）

在城	东柳庄	西柳庄	东下隗	西下隗	九里	吴寨河	崇仁	修善	新兴
重兴	复兴	安兴	常兴	悼信	明义	崇德	报功	修文	偃武

见在六保

在城	东柳庄	九里	吴寨河	重兴	修文
----	-----	----	-----	----	----

正阳县在府城南一百二十里。《禹贡》豫州之域。周为沈国地。春秋属楚。秦属颍川郡。汉置慎阳县属汝南郡。（按《史记索隐》曰：慎阳本作溱阳，永平五年失印，更刻误以水为心，故《续汉书》作慎阳也。）东汉、魏、晋因之。刘宋始改曰真阳县，仍属汝南郡。东魏改属义阳郡。北齐废郡省入保城县。隋开皇初郡县俱废，至十六年复置县曰真邱，大业初仍改为真阳县。唐延载元年改曰淮阳县，神龙元年仍为真阳县。宋金因之，属蔡州。元属息

州。明洪武四年省入汝阳县，弘治十八年复置，属汝宁府，国朝因之。雍正元年改真阳为正阳。凡编户十五里（称保，保数仍旧）。

真阳 黄里 柔远 归化 南和 乐善 常丰 礼庄 守信 朱黄
塘土 新兴 柳寨 浅塘 汝南

新蔡县在府城东一百四十里。《禹贡》豫州之域。唐尧时伯夷佐禹治水有功，肇封吕候为吕国地。春秋时蔡平侯徙都焉，故曰新蔡。战国属楚。秦属颍川郡。西汉置新蔡县属汝南郡（新莽时改为新迁县）。东汉复为新蔡县。曹魏属汝阴郡。晋惠帝分汝阴地立新蔡郡，成帝以鲋阳、汝阴省入新蔡郡，刘宋因之。元魏置东新蔡郡。后于新蔡立东豫州，寻以新蔡属乐安、南顿二郡。齐置北新蔡郡。东魏置中蔡州。北齐废州改广宁郡。隋开皇初废郡，十六年置舒州及舒县、广宁县，仁寿元年改广宁县为汝北县，大业初废州改汝北县曰新蔡县，以新蔡、襄信、舒城置舒州。唐贞观中废州属汝南郡，宝应初汝南郡改为蔡州，新蔡县仍属焉。宋以新蔡属汝南淮康军。金改属息州，元因之，寻省入息州。明洪武四年仍析置新蔡县属汝宁府。国朝因之。凡编户十二里（称保，保数仍旧）

在城 葛陵 沈冈 平信 林村 归道 归德 归仁 归义 新安
永富 永受

西平县在府城西北一百三十里。《禹贡》豫州之域。黄帝有熊氏之裔柏亮父、父子为帝师，肇封于柏，为柏子国地。春秋为楚所并。战国属韩。秦属颍川郡。汉置西平县。东汉因之。并属汝南郡。魏晋刘宋皆因之。后魏改置襄城郡。北齐改文武郡。隋开皇初废郡仍为县。唐贞观初省入郾城县，天授二年复置寻废，开元四年复置属蔡州。五代因之。宋属淮康军。金属镇南军。元属汝宁府。明因之。国朝因之。凡编户二十二里（称保今并云庄、合水为一保，名曰云合。止二十一保）

坊廓 留册 重渠 义亭 大堰 合水（今并） 仪封 范二郎
云庄（今并） 师灵 洪村 里仁 王寨 仙侣 常济 崇教 兴贤
乐业 安抚 新丰 永丰 抚治

遂平县在府城西九十里。《禹贡》豫州之域。唐尧子丹朱封房邑为房国地。春秋楚灵王迁房子于楚并其地。吴王阖闾弟夫概奔楚为棠溪氏封于此，故曰吴房。秦属颍川郡。汉置吴房县属汝南郡。东汉、魏、晋因之。元魏改遂宁县属襄城郡。隋大业初仍为吴房县。唐贞观初废县，八年复之属蔡州，元和十二年平吴元济始改为遂平县。宋因之。高宗南渡后废县为吴房镇，设尉司居之，属西平县。金属蔡州镇南军。元初省入汝阳县，大德八年复置（县志为至元三十年，按至元乃元世祖年号，止在位十六年，年数不符，故仍从旧志。），属汝宁府。明因之。国朝因之。凡编户二十八里（称保，保数仍旧）

在城 城奉 颜奉 石寨 独唐 大峪 白泉 吴奉 土山 斗城
巩同 原俗 丰足 大有 归化 益昌 新兴 新宁 永丰 永兆

永庆 依仁 崇仁 安仁 怀仁 由义 立礼 归仁（今名崇智）

信阳州在府城西南二百八十里。《禹贡》荆豫二州之域。周宣王封元舅申伯于谢，为申国地。春秋为楚所灭。战国属楚。秦置义阳县属南阳郡。汉省入平氏县仍属南阳郡。曹魏初复置义阳县。晋武帝平吴后分南阳郡于安昌城，而以新野、穰、邓、蔡阳、随、安昌、棘阳、酆、平氏、义阳、平林、朝十二县属焉。惠帝时又分义阳立隋郡。刘宋因之。后因洛阳司州沦于北魏，置司州于郡治，以义阳改属永安郡。南齐因之。梁改为北司州。元魏改为郢州。后周改为申州。隋改为义州。寻复为义阳郡。唐初改为申州，武德四年又改为义阳郡，隶淮南道，统县三，曰：义阳、鍾山、罗山。五代因之。宋始置信阳军隶京西北路。开宝九年改为义阳军，废鍾山县。太平兴国元年又改为信阳军，属县二，曰：信阳、罗山。绍兴四年以信阳並属襄阳路。元至元十四年改为信阳府，领信阳、罗山二县，十五年仍改为州，属县如故。明初因之。洪武二年改为县，四年改入凤阳府，寻复增置信阳州，十五年复为县，成化十一年复改为州，属汝宁府，领确山、罗山二县，后以确山县去州境远，不领确山。国朝因之。凡编户一十七里（称乡今並十二乡）

在城 天目 长台 新色 中山 孟凤 安仁 安义 安礼 安智
 安信 新安 常安 青山 灵山 查山 凤凰

现在十二乡

在义 天仁 长常 青新 中信 孟礼 查智 凤灵 新上 新下
 三卫乡（顺治十六年裁信阳卫，以各卫乡归並）

罗山县在府城南二百四十里。《禹贡》豫州之域。周初为谢国地。宣王封申伯于谢，因为申国地。春秋为楚所灭。战国属楚。秦属南阳郡。汉置龟县属江夏郡，魏属义阳郡，晋复属江夏郡，刘宋仍属义阳郡。北齐置高安县。隋开皇初废县，寻改置罗山县属义阳郡。唐武德间置南罗州，寻改为县属申州，五代因之。宋开宝九年省入义阳军。雍熙二年复置县属信阳军。元属信阳县，后徙州治于县，徙县治于西南，号曰：罗山新县（即今县治）。明因之。洪武四年改属凤阳府，七年改属汝宁府，十五年改信阳县为县，不领罗山。成化十一年仍改为州，领罗山属汝宁府，国朝因之。凡编户二十里（称保，保数仍旧）

在坊 罗城 连城 息山 陡山 天塘 石塘 猪塘 青山 城山
 华山 仙花 乐城 仙居 西湖 富城 安山 湖山 常乐 永安

汝宁府志沿革表

唐、禹、夏、商（《禹贡》豫州之域）

周（古为沈、蔡、柏、居、道、息、江、黄、蒋、蓼诸国地）

战国（楚、魏二境之交）

秦（为颍川郡之西南境）

汉（析梁、沛二郡地，置汝南郡，隶予州）

东汉（因之）

三国魏（分立弋阳郡）

晋（分立汝阴郡，汝南郡如故）

南北朝宋（仍为汝南郡。元嘉中因洛阳司州陷于魏，侨立司州于此，号为悬瓠城）。后魏（改司州为予州）。东魏（因之）。后周（置总管府改曰舒州，寻复曰予州，后以洛州为予州，以此为溱州，寻改为蔡州，汝南郡如故）。北齐（复改予州为司州，治义阳郡）

隋（初废汝南郡，大业初废蔡州，仍为汝南郡属予州）

唐（初置予州，天宝初改为汝南郡，宝应初以避讳改蔡州，汝南郡属河南道）

五代（汉改为防御州）

宋（初为蔡州，寻改为淮康军，属京西北路）

金（为蔡州镇南军）

元（初为蔡州，后改为汝宁府，隶河南行中书省）

明（仍为汝宁府领州二、县十二属河南布政使司）

国朝（初仍明制，雍正二年升光州为直隶州，以光、固、息、商四县隶焉。今领一州、八县）

汝宁府志卷二

城池

汝宁府城即两汉汝南郡城（汝阳县城附郭）。元季毁于兵。明洪武六年重建置汝宁千户所。守之周围五里三十步，高一丈八尺广如之。池深一丈二尺，阔二丈。其时东、西、南三门。东曰迎春。西曰见山。南曰阜安。八年改置汝宁卫，又拓为九里三十步，高二丈五尺，增辟北门，各建重楼，设警铺二十六，又开水门二。永乐二年，废卫复为所。成化二十年城圯，崇庄王奏请都御史赵文博，檄知府罗元吉增筑高厚，绕以子墙，撤旧楼而大之。颜其四门。东曰东作。南曰汝南。西曰西城。北曰拱北。增角楼四，益警铺四十有八。正德九年流寇薄城，知府毕昭请于巡抚邓璋，甃以砖石，增高五尺，因旧隍浚深二丈，阔五丈。隆庆三年，知府史桂芳重修之。崇贞七年流寇犯汝，知府黄元功、知县姚士恒置炮台、木楼并守御之。具复义倡士民浚旧隍深四丈，阔十丈，开南堤石门，引汝水入濠，濠外绕植官柳。崇贞十五年，流寇破城，焚西城楼，毁东、南、北三门及垣堞铺，同知韩星稍为修葺。国朝顺治十八年，知府金镇重修。康熙元年，增建城楼，二十年知县邱天英重修。雍正七年，知县程元度修葺。乾隆三十一年，知县周柄修。

上蔡县城即周初蔡国阳址，周围二十五里。西汉置县，就东北隅复补筑一土城。明正德间，知县王雄重建。周围六里二百步，高二丈，广八尺，池深五尺，阔一丈。明成化十九年，主簿梁英修。嘉靖二年，知县傅凤翔始甃砖石，拓为九里十三步，增高五尺，建四门楼及角楼、敌台、警铺，浚深濠堑。知县岳虞询补葺之，嗣后，知县纪经纶、刘柏生相继增筑北瓮城，主簿冯矿筑东瓮城。崇贞十五年，流寇陷城焚燹殆尽半。国朝顺治三年，知县管超斌重修。康熙二十五年，知县杨廷望重建门楼、城墙。乾隆二十九年，知县赵成修。

正阳县城即汉慎阳城。洪武初废，正德元年置县。六年知县郭仲臣始筑土城，周围八百丈，高二丈五尺，广半之，池深一丈，阔二丈。正德八年，流寇陷城，知县张玺甃以砖石建四门楼，又增置角楼及警铺。明李同知、刘附凤署县篆，浚池深一丈，阔三丈，城久颓圯。国朝顺治六年，知县迟焯重修筑之。十五年霖雨坏城二百余丈。十六年知县刘必寿重修。康熙九年知县任国标、三十五年安圻相继重修。乾隆五十七年知县彭良弼重修。

新蔡县城古吕国城，即春秋蔡平侯迁国时所建。明洪武初修筑，周围三里二百七十五步，高八尺，广三尺，覆以陶瓦。正德壬申两为流寇所陷。正德丙子知县刘汉始甃以砖，高一丈五，广半之，池深七尺，阔一丈。工未竣，知县张来义继修之，建四门楼及四角楼。嘉靖丙戌，县丞钟孔锡重修。城下旧隍岁久淹淤，嘉靖丙寅知县潘允迪、万历丙子知县曾继先相继疏浚。国朝知县谭宏宪复浚深之，又修角楼二、警铺二十有五。康熙十年知县吕民服重

修。

确山县城即春秋道国地，明洪武十四年置县始建。成化丙午知县丁珪增筑，周围六里三百五十步，高一丈二尺，广八尺，池深一丈，阔二丈五尺。正德七年流寇破城，八年知县吴照，甃以砖石。十二年知县宋良臣重修建三门楼。正德末，知县李顺孙重修门楼。嘉靖间知县梁翰建东北角楼一，增警铺六。

西平县城即古柏子国城。明景泰四年，知县陈珪增筑，周围五里六十步，高一丈二尺，广二丈，池深一丈，阔一丈五尺。正德八年，知县江珙始甃以砖，建四门楼。国朝乾隆二十年，知县苏正蒙修。

遂平县城即古房子国城。明正统十二年，知县王珪增筑。成化十一年，知县王崑复拓大之。周围九里三十步，高二丈，广八尺，池深七尺，阔倍之。正德八年，知县王伯鹏遇流寇之变，始甃以砖石。嘉靖元年，知县贾磷始建四楼。嘉靖三十四年，知县刘良采重修之。天启元年，知县胡来进改建东门。崇贞六年，知县张允贞以流寇充斥，浚濠引水，较昔益加深阔。明季寇陷城，焚毁殆半。国朝顺治三年，知县刘骏声重修。顺治十六年，知县张鼎新修葺北门敌楼。康熙二十七年，知县陈嘉采修。乾隆五十九年，知县李述武重修。

信阳州城即古申国地。明洪武元年重建，设信阳卫守之。十三年千户张用拓为九里三十步，高三丈，广半之。池深一丈三尺，阔六丈五尺。门楼五、警铺四十有三。成化十四年，守备李愷于各门外增护垣吊桥。正德八年，兵备金事宁河始甃以砖石。金事阎钦继之竣工。万历二年副使王任、知州朱家法辟小南门，以便樵汲。崇贞十四年，流寇陷城，折毁垣堞，高不及肩。汝阳主簿吴士绅署州篆，不数月修筑如故。国朝顺治十五年，副使管超凤、知州高天爵始建四门楼。十六年知州王廷伊重修。

罗山县城即汉昆县城，久废。明景泰元年，知县刘恒始建，内外悉甃以砖，周围五里二百四十步，高二丈五尺，广九尺，池深一丈，阔三丈，四门各建以楼。天启元年大水，城尽圯。知县许让重修。崇贞七年，流寇倡乱，知县周运泰增高城堞。环城置敌楼三十余所，浚池深阔倍昔。岁久城圯池淹。国朝顺治四年，知县薛耳重修。十五年，霖雨半载，城垣倾圯殆尽。分巡道张瑞徵、知府金镇、通判郑鼎新、推官张鼎彝、知县李赉明重修。雍正七年，知县姚文耀修葺。

星野

汝宁府所属，按汝阳、上蔡、确山、正阳、新蔡、西平、遂平等县在豫州之城，信阳州、罗山县，在荆、豫二州之交。

《周礼》保章氏、郑氏注云：“大辰豫州也。”

西汉《天文志》：“房心，豫州。牵牛、婺女，扬州。翼、轸，荆州。”

东汉《天文志》注“星经曰：镇星，主嵩山、豫州。荧惑，主霍山、扬州、荆州。”又曰：“玉衡第七星主豫州。”常以五午日候之，丙午为汝南。